



Azpeitiko Udala

LAGUN ONAK FUTBOL TALDEARI ZUZENeko DIRULAGUNTZA EMATEA 2022/2023 DENBORALDIRAKO (23-12D / 2023DZKI0001))

-Dirulaguntza zuzena bideratzeko lankidetzak hitzarmena-

Azpeitian, 2023ko ekainaren 7an

BILDURIK

Alde batetik, **NAGORE ALKORTA ELORZA**, NAN 72.471.832-M duena, Azpeitiko Udalaren Alkate-Udalburua,

Bestetik, **IÑIGO ARREGI AZKUE**, NAN 44.172.924-K duena, **LAGUN ONAK FUTBOL TALDEAREN** lehendakaria (IFZ: G20185765).

BERTARATU DIRA

Lehena, Azpeitiko Udalaren ordezkari-lanetan, Udalbatzak 2019ko ekainaren 13an egindako bilkuran hartutako erabakiaren bidez egintza honetarako baimendua.

Eta bigarrena, **LAGUN ONAK FUTBOL TALDEAREN** lehendakaria,

Bi aldeek aitortzen diote elkarri agiri hau izenpetzeko eta jarduteko behar den gaitasun juridikoa eta honakoak azaltzen dituzte:

AURREKARIAK

Aurrekariak:

Euskadiko Toki Erakundeei buruzko apirilaren 7ko 2/2016 Legeak (17.1.19 artikulua) Udalek beren kirol-ekipamenduak kudeatzeko eta mantentzeko duten eskumena aitortzen dute.

2/2023 LEGEA, martxoaren 30ekoa, Euskadiko Jarduera Fisikoari eta Kirolari buruzkoak, udalerrira hartzen du eremu horretako sustapenaren ardatz nagusitzat, herritarrengandik hurbilen dagoen administrazio publikoa baita, kirol-ekipamendu, -gune eta -zerbitzu gehienek titularrak, ahaztu gabe Autonomia Erkidegoko Administrazio orokorreko eta foru-aldundietako administrazio publikoekin partekatutako erantzukizuna dela.

Legearen aginte publikoek, bakoitzak dituen eskumenen esparruan, kirol politika garatzerakoan jarraitu behar dituzten printzipioak zehazten ditu. Printzipio horiek pertsona guztiek kirola askatasunez eta norbere borondatez egiteko duten funtsezko eskubidea bermatzea dute helburu.

Gaur egun **LAGUN ONAK FUTBOL TALDEA**, **IKASBERRI KIROL ELKARTEA** eta **IRG CUP KIROL KLUBA** Azpeitian futbolaren kirol-jarduera hedatzeko lana egiten dute, udalerrirako intereskotzat jotzen dena, batez ere gazteengan, beren garapenean, kirol-praktika elementu garrantzitsua delako.

Lagun Onak Futbol Elkartea izan da, hala ere, Azpeitiko herrian urte gehien futbolaren kirol-jarduera sustatu duen irabazi asmorik gabeko kirol-kluba, Udalarekin eta alorreko gainontzeko



Azpeitiko Udala

instituzioekin -publikoak eta pribatuak- elkarlanean. Urte luzeetan kirolaren inguruan egindako lanak eskarmentu handia eman dio Elkarteari barne egitura bat osatzeko, eta kirol honen inguruan hainbat programa bideratzeko.

Kirol elkartearen antolakuntza hori kontutan izanik, Udalak Artzubia etorbidean kokatutako GARMENDIPE FUTBOL ZELAIA izeneko kirol-instalazioa utzi zion, Futboleko Kirol Eskola programa garatzeko bertan. Garmendipeko futbol-zelaiak erabilera egokia izan zezan, udalerrian futbolaren inguruan aritzen diren gainerako klub eta eragileekin koordinatzeko ardura ere emango zitzaion Elkarteari (hitzarmena 2022ko irailaren 1ean sinatu zen).

Hitzarmen horretan jaso zen Azpeitiko udalak urteko dirulaguntza emango diola LAGUN ONAK FUTBOL TALDEARI futbolaren sustapena kirol-ibilbide eta sexu guztiei zuzendu ahal izateko, eta hori gauzatzeko behar duen Garmendipeko futbol-zelaia behar bezala erabili ahal izateko, baita udalerrian futbolaren inguruan aritzen diren beste elkarte eta eragile guztiekin koordinatzeko ere Dirulaguntza hori bi zatitan banatuko da. Eskudirutan 45.000,00 €-ko laguntza jasoko du klubak, eta horrez gain, klubaren eskura jarriko ditu helburu horietarako behar dituen instalazioak, eta Udalak bere gain hartuko ditu ohiko erabilerak sortutako ur eta elektrizitate-gastuak.

Lagun Onak Futbol Taldearen izenean Ricardo Amubieta Leundak 2023ko otsailaren 6ko idatziaren bidez 2022/2023 denboraldiari dagokion adostutako baldintzen egiaztapenak aurkeztu ditu Udal honetan (hitzarmenaren bigarren urtea).

2022. ekitaldian onuradun berari emandako laguntzari dagokionez, Kirol Sailak txostena egin du eta egiaztatu du futbol taldeari emandako laguntza behar bezala zuritu dela, laguntzarekin lortu nahi ziren helburuak bete direla, eta horrez gain, onuradun berak jaso dituen beste laguntzekin batera entitatearen gain-finantzaziorik ez dagoela.

2023ko ekitaldiari dagokionez, Udal Kirol Batzordeak 2023ko martxoaren 22an egindako bilkuran, **dokumentazioa baloratu eta ontzat eman ondoren**, hitzarmenak aurtengo ekitaldirako jasotako dirulaguntza onartzea proposatu dio Alkatetzari.

Laguntza hau bat dator Udalak 2023ko otsailaren 7an onartu zuen Azpeitiko Udalaren 2023-2025 Dirulaguntzen Plan Estrategikoarekin (GAOn 2023/03/01an argitaratua), eta bere helburu estrategikoa kirolari gazteak kirol-diziplinaren praktikan garatu ahal izateko eta kirol-jardueretan eta lehiaketetan parte hartzeko behar den prestakuntza sustatzea da.).

LAGUN ONAK FUTBOL TALDEAK 2022/2023 denboraldiari dagokion ekitaldiko egitasmoa gauzatzeko, Udalak 2023. ekitaldirako aurrekontuan 45.000€ ko dirulaguntza izenduna aurreikusi du.

Dirulaguntzei buruzko azaroaren 17ko 38/2003 Lege Orokorrak 22.2 artikuluan xedatzen du Toki Administrazioiko aurrekontuetan aurreikusitako dirulaguntza izendunak zuzenean eman ahalko direla, betiere, dirulaguntza arautzen duen hitzarmenean eta dirulaguntzak arautzen dituen araudian jasotako baldintzetan.

Lege bereko 28. artikulua dirulaguntzak zuzenean emateko prozedura arautzen du, zehaztuz, hitzarmenak direla Toki Administrazioek aurreikusitako dirulaguntza izendunak bideratzeko ohiko tresnak. Hitzarmenek, legean xedatutakoa betez, aplikagarriak diren baldintzak eta konpromisoak jasoko dituzte.



Azpeitiko Udala

Uztailaren 21eko 887/2006 Errege Dekretuko 65. artikulua arabera aurrekontuetan aurreikusitako dirulaguntza izendunak izango dira, xedea, aurrekontu-zuzkidura eta onuraduna aurrekontuaren gastuen egoera-orrian berariaz zehaztuta dituztenak. Gainera, dirulaguntza horiek emateko prozedura ofizioz hasi daiteke edo eskatuta eta dirulaguntza arautzeko oinarri izaera izango duen hitzarmenarekin amaituko da.

Beraz, dirulaguntzen Lege Orokorrean eta aplikagarria den gainerako araudian ezarritakoa betetz, bi aldeek hitzarmen hau izenpetzeko erabakia hartu dute, ondorengo baldintza edo xedapenen arabera:

1. HELBURUA.

Hitzarmen honen xedea da **LAGUN ONAK FUTBOL TALDEAREN** aldeko dirulaguntza zuzena arautzea, 2022/2023ko Futboleko Kirol Eskola programa garatzeko eta Garmendipeko futbol-zelaiaren erabilera egokirako beharrezkoa den koordinazio ekimena bideratzeko

2. ARAUBIDE JURIDIKOA.

Dirulaguntza hau arautuko dute, errege dekretu honetan eta dirulaguntza emateko ebazpenean bereziki xedatutakoak ez ezik, Dirulaguntzei buruzko azaroaren 17ko 38/2003 Lege Orokorrean eta uztailaren 21eko 887/2006 Errege Dekretuak onartutako hura garatzen duen Erregelamenduan aurreikusitakoak ere, publizitate- eta lehia-printzipioei eragiten dienean izan ezik, bai eta, modu osagarrian, urriaren 1eko Administrazio Publikoen urriaren 1eko 39/2015 Legean (urriaren 1eko Administrazio Prozedura Erkidearen Legea) aurreikusitakoa ere.

3. DIRULAGUNTZA EMATEKO PROZEDURA.

Dirulaguntza hau zuzenean emango da, azaroaren 17ko 38/2003 Legearen 22.2.c) artikuluan xedatutakoaren arabera. Dirulaguntza honen oinarri arautzaileak hitzarmen honetan zehazten dira, azaroaren 17ko 38/2003 Legearen 28.2 artikuluan eta azaroaren 17ko 38/2003 Legearen Erregelamenduaren 67. artikuluan xedatutakoa betetz.

Udalaren Kirol Saila izango da laguntzaren organo-kudeatzailea, eta laguntzaren jarraipena Udalaren Kirol Batzordea izango da.

Dirulaguntza honen publizitatea Udalaren web orrian eta Dirulaguntzen Datu-base Nazionalean egingo da.

4. GAUZATZE ALDIA

Diruz laguntzen diren jarduerako egiteko aldia 2022/2023 denboraldiari lotutakoak dira. 2022ko uztailaren 1etik 2023ko ekainaren 30 artekoak

5. LAGUNTZAREN ZENBATEKOA ETA FINANTZAKETA

Dirulaguntza Udalaren 2023. ekitaldirako gastu-aurrekontuaren kontura finantzatuko da, 45.000,00



Azpeitiko Udala

euroko zenbatekoarekin, 1.0500.481.341.00.02 2023 transferentzia arruntak kirolak aurrekontu-aplikazioaren kargura.

6. LAGUNTZA ORDAINTZEKO MODUA

Onuraduna izateko baldintzak: Laguntzaren onuraduna izango den LAGUN ONAK FUTBOL TALDEAk azaroaren 17ko 38/2003 Legearen 13. artikuluan ezarritako baldintzak bete ditu dirulaguntza kobratzeko.

Ordainketa aurreratua: Dirulaguntzaren %100aren ordainketa modu aurreratuan egingo da, azaroaren 17ko 38/2003 dirulaguntzen legeko 34.artikuluan aurreikusten den moduan, dirulaguntzaren helburu diren jarduerak gauzatu ahal izateko beharrezko finantzaketa delako.

Azaroaren 17ko 38/2003 Legearen Erregelamenduaren 42.2.d) artikuluan aurreikusitakoaren babesean, erakunde onuraduna bermea eratzetik salbuetsita geratuko da.

7. BESTE DIRULAGUNTZA, LAGUNTZA, DIRU-SARRERA ETA BALIABIDE BATZUEKIKO BATERAGARRITASUNA.

Dirulaguntza hau bateragarria da helburu bererako beste dirulaguntza, laguntza, diru-sarrera edo baliabide batzuekin.

Erakunde onuradunak aurreko paragrafoan aipatuak baliabideak lortu dituela jakinarazi beharko du. Jakinarazpen hori jakin bezain laster egin beharko da, eta, nolanahi ere, azaroaren 17ko 38/2003 Legearen 14.d) artikuluan ezarritakoaren arabera jasotako funtsei emandako aplikazioa justifikatu aurretik.

Jarduerak, dirulaguntza honekin finantzatzeaz gain, funts propioekin edo beste dirulaguntza edo baliabide batzuekin finantzatu badira, justifikazioan egiaztatu beharko da funts horien zenbatekoa, jatorria eta erabilera diruz lagundutako jardueretan, azaroaren 17ko 38/2003 Legearen 30.4 artikulua arabera.

Dirulaguntzaren zenbatekoak, bakarka edo beste dirulaguntza, laguntza, diru-sarrera edo baliabide batzuekin batera, ezin izango du diruz lagundutako jardueraren kostua gainditu.

8. JUSTIFIKAZIOA

Diruz lagundutako jardueren kontura egindako gastuak justifikatzeko epea bi hilabetekoa izango da gauzatze aldia amaitzen denetik, hau da, zuriak agiriak aurkezteko azken eguna 2023ko irailaren 30a.

Dirulaguntzaren gastua justifikatzeko, erakunde onuradunak gastu-egiaztagiriak aurkeztu beharko ditu **justifikazio-kontu erraztuaren modalitatean**, azaroaren 17ko 38/2003 Legearen Erregelamenduaren 75. artikulua arabera.

Azaroaren 17ko 38/2003 Legearen 31. artikuluan ezarritakoaren arabera, 2023ko urtarilaren 1etik abenduaren 31ra bitartean egindako gastuak egiaztatu ahal izango dira.



Azpeitiko Udala

Justifikazio-kontuak honako informazioa eman beharko du:

a) Dirulaguntza emateko ezarritako baldintzak betetzen direla justifikatzen duen jarduera-memoria, egindako jarduerak, emaitzak, eta aurreikusitako helburuen asebetetze maila adierazita. Herritarren parte hartze maila zehaztu beharko da. Emakume eta gizonen berdintasunari buruzko adierazleen informazioa eman behar da: jardueran parte hartu dutenen datuak generoa kontuan hartuz.

b) Jardueraren gastu eta inbertsioen zerrenda sailkatua, hartzekoduna eta dokumentua, zenbatekoa, jaulkipen-data eta, hala badagokio, ordainketa-data adierazita. Dirulaguntza aurrekontu estimatu baten arabera ematen bada, gertatutako desbideratzeak adieraziko dira.

c) Diruz lagundutako jarduera finantzatu duten beste diru-sarrera edo dirulaguntza batzuen xehetasunak, zenbatekoa eta jatorria adierazita.

d) Hala badagokio, itzulketaren ordainketa-gutuna, aplikatu gabeko gerakinen kasuan, bai eta horietatik eratorritako interesen kasuan ere.

3. Dirulaguntza ematen duen organoak, oinarri arautzaileetan adosten diren laginketa-tekniken bidez, egokitzen jotzen dituen egiaztagiria ikuskatuko ditu, dirulaguntza behar bezala aplikatu dela arrazoiz frogatu ahal izateko. Horretarako, hautatutako gastuen egiaztagiria bidaltzeko eskatu ahal izango dio onuradunari.

Dirulaguntza ematen duen organoak egoki iritzitako egiaztagiria eskatuko dizkio onuradunari, dirulaguntza behar bezala gauzatu dela egiaztatzeko.

Erakunde onuradunak bere gain hartzen du Dirulaguntzei buruzko azaroaren 17ko 38/2003 Lege Orokorraren 30. artikulua dirulaguntza publikoak justifikatzeari buruz ezartzen dituen betebeharrak.

9. GASTU HAUTAGARRIAK

Dirulaguntza hitzarmenaren helburuarekin lotutako kostu mota hauek edo antzekoak finantzatzeko erabiliko da:

1. – Langileen kostuak.
2. – Funtzionamendu-kostuak honako hauek dira:
 - Futbol-eskolari dagozkionak.
 - Garmendipe futbol zelaia koordinazioarekin lotutakoak
 - Zelaia mantenu gastuak.

Erakunde onuradunak dirulaguntzaren xede den jarduera azpikontratatu ahal izango du, azaroaren 17ko 38/2003 Legearen 29.2 artikuluan ezarritako muga barruan.

10. ALDAKETAK

Dirulaguntza ematea eragin duten inguruabarrak aldatuz gero, onuradunak hasieran aurreikutsita zeuden jarduerak zabaltzeko, kentzeko edo aldatzeko eskatu ahal izango du, arrazoiak



Azpeitiko Udala

azalduta.

Aldaketek ezin dute inola ere dirulaguntzaren zenbatekoa handitu.

11. ERAKUNDE ONURADUNAREN BETEBEHARRAK

Dirulaguntzaren erakunde onuradunak azaroaren 17ko 38/2003 Legearen 14. artikuluan jasotako betebeharrak bete beharko ditu, eta, bereziki, betebehar hauek izango ditu:

A) Helburua betetzea, jarduera egitea eta dirulaguntza emateko oinarri den portaera hitzarmen honetan eta dirulaguntza emateko ebazpenean ezarritako moduan, baldintzetan eta epean hartzea, dagozkion justifikazioak aurkeztuz eta Udal Kirol Sailak jarduketak behar bezala ebaluatzeko behar diren datuak emanez.

B) Organo eskudunak eskatutako gastuak justifikatzea fakturekin eta merkataritzako trafiko juridikoan froga-balio baliokidea duten edo eraginkortasun administratiboa duten gainerako dokumentuekin.

C) Diruz lagundutako jardueretarako funtsen aplikazioaren kontrol- eta jarraipen-jarduketak onartzea, dokumentuak egiaztatuz eta Kirol Sailak finantzatutako jardueren amaierako ebaluazioa eginez, bai eta Kontuhartzaitzak eta Kontu Auzitegiak funtsen finantza-kontrola egitea ere.

D) Dirulaguntza publikoak kudeatzeko prozedurak modernizatzen laguntzea, Udalak zehaztutako tresna informatikoak erabiliz.

E) Dirulaguntza jasotzen duten proiektuen eduki nagusia osatzen duten jarduerak kudeatzea eta zuzenean egitea.

F) Datuak babesteari buruz indarrean dagoen araudian xedatutakoa betetzea.

Alderdiek adierazten dute ezagutzen dituztela Datu Pertsonalak Babesteko eta Eskubide Digitalak Bermatzekoari buruzko (3/2018) Lege Organikoari eta Datu pertsonalen tratamenduari dagokionez pertsona fisikoen babesari eta datu horien zirkulazio askeari buruzko arauak ezartzen dituen eta 95/46/EE Zuzentaraua (Datuak Babesteko Erregelamendu Orokorra) indargabetzen duen Europako Parlamentuaren eta Kontseiluaren 2016/679 (EB) Erregelamenduari buruzko xedapenak, eta konpromisoa hartzen dute lege horretan aurreikusitako betekizunak betetzeko, hitzarmen hau dela-eta dauzkaten erabiltzaileen datuei dagokienez.

G) Dirulaguntzaren jatorria behar bezala identifikatzea eta jardueraren finantzaketaren izaera publikoa behar bezala zabaltzea. Horretarako, diruz lagundutako jarduera zabaltzeko erabiltzen den materialean, proiektuaren ondorio izan daitezkeen iragarkiak, kartelak eta argitalpenak txertatu beharko ditu, bai eta gauzatutako jardueren inguruko esku-hartze publikoetan ere.

H) Bere webgunean argi eta garbi adieraztea diruz lagundutako jarduerak Udalaren dirulaguntzen bidez gauzatzen direla.

12. EZ BETETZEAK ETA ITZULKETAK

Bidezkoa izango da jasotako zenbatekoak eta, hala badagokio, diruz lagundutako jarduerak sortutako diru-sarrerak eta dirulaguntzagatik sortutako interesak itzultzea, bai eta dagokion



Azpeitiko Udala

berandutze-interesa eskatzea ere, dirulaguntza ordaintzen denetik bidezkoa den egunera arte.

13. ZEHAPEN-ARAU BIDEA

Diruz lagundutako erakundeak dirulaguntzen arloan egin ditzakeen arau-hausteak azaroaren 17ko 38/2003 Legearen IV. tituluan eta azaroaren 17ko 38/2003 Legearen Erregelamenduaren IV. tituluan ezarritakoaren arabera mailakatu eta zehatuko dira.

Eta, hitzarmen honetan ezarritakoarekin bat datozela adierazteko, hala jasota gera dadin eta dagozkion ondorioak izan ditzan, jarraian agertzen direnek honelako hiru ale sinatu dituzte, jatorrizkoak, idazpuruan adierazitako lekuan eta egunean.

Nagore Alkorta Elorza Azpeitiko Udala  	Iñigo Arregi Azkue Lagun Onak Futbol Taldea 
--	--

